



~~P. A. 40.~~ EX BIBLIOTH.
NATIONIS HUNGAR.

III A 138.

VITEBERG.

SIGNAT. clv lv CCCXIII.



TABLE AV.

Ou Miroir des
chastes & pudiques A-
mours de Prince *Parthe-*
nophile & de la Princesse *Cleo-*
nice: représentées au vif en forme
de tresbeaux, & fort recreatifs
discours, parsemez & enchiriz de
belles sentences & raisons, non
moins necessaires, que conuena-
bles pour exprimer ses desseings
en une.

Escarmouche Amoureuse.

Par

ABRAHAM DE LA FAYE.

A Jene

de l'imprimiere de Jean Beitmañ

L'an 1626.

Celuy qui discret & fidele
Sans gemir s'est laissé brusler,
Et à qui la peine cruelle
N'aiamais rien fait deceler:
Qui cache au dedans son martyre
Que la peur d'aymer ne retire,
Et trouue au mal contentement
Tel Seruiteur se peut elire
Sans auoir peur du changement.

Je suis bien d'aduis qu'une Dame,
Ne doie aysement s'asseurer,
Qu'un ieune amant garde sa fl' amme
Pour le ueoir plaindre & sousspirer.



A Tresillustre, & Tres-
haute Princesse & Dame,
Madame *Juliane*, Landgräffin
de Hessen; & Contesse de Nassau/
Carenellenbogen/ Dieck/ Zie-
genhain/ & Nidda, &c.

Tres illustre & Tresbau-
te Princesse & Dame, les
belles marques de vostre
ame toute genereuse, & remplie de
Deitez, tou hant le soing que ce petit
labeur espere de vostre bien, l'ont fait
entrer en telle creance de vostre Di-
uin Naturel, qu'il ose desia hardi-
ment se vanter de cheuir de la for-
tune, s'il peut auoir l'heur & la fa-

A 2 ueur

* * * * *
* * * * *

ueur de viure soubs les aisles de vostre grandeur, son ame oyant celebrer vos vertuz; se fait croire qu'il parviendra au but de ses desseings, de maniere que reiellant tout ce qui pourroit resister à laruine de ses aduantes il se uient ietter aux bras de vostre Clemence: Que si toutesfois vostre refus s'oppose aux voeux & deuoteuses envies de sa priere il est prest d'embrasser la patience, & par icelle guerir la playe de sa tristesse attendant que la course de ses Infortunes trouue son but, & que les Dieux pitoyables appaysent leurs aygreurs pour les obliger de donner la derniere main à sa felicité, afin que consolant merueilleusement son coeur & son

ame,

ame, il soit assureé qu'une partie de son oracle est interpreté, & qu'il les remercie d'avoir au desceu de ses esperances limité le cours de ses travaux. Mais de peur que ie n'importune vostre douceur, & que disiez que me suis attaché à une dure tache, j'arrestera y ceste ruie de discours, pour tenter vostre courtoisie, & vous prier & supplicier de recevoir ce petit labeur, le frontispice duquelestant orné de vostre Illustre & Generoux Nom (quoyque ce labeur ne soit d'estoffe digne d'un tel merite) se trouuerera assez gabionné contre les assauts de ceux qui le voudroyen attacquer. Recepuuez le donc, Illustre & Generouse Princesse, de la

devotion, qui est universellement
espanchéé parmy tous ces particuliers
tesmoignages, que vos insignes ver-
tus allument, & celuy qui le vous
adresse ne laissera d'avoir une bon-
ne volonté pour tesmoignage du de-
sir qu'il a de se veoir employé à vo-
stre service, à l'execution duquel il se
monstrera aussi zelé & actif qu'il se
qualifie du tiltre de

Vostre treshumble & tresobeis-
sant Serviteur

*Abraham de la
Faye.*

❧ ❧ ❧ I ❧ ❧ ❧

Premier Discours,
Le Prince, & La Prin-
cesse: Pharamond & Childe-
ric leurs Nepueux, Parthenophile
Prince Estranger, Cleonice fille uni-
que du Prince & de la Princesse
Inglobergue; Gouvernante
de la Princesse.

le Prince:

B Raue & courageuse
Jeunesse, i'estime tant
la dignité de vos ames ge-
nerieuses, leurs moeurs hon-
nestes, & leurs vertus excellentes, que
i'ose bien dire que vos merites sont di-
gnes de mes faueurs, (ou que ie vous
favorise) estant toutesfois banni de
tous les bons offices, que mes deuotieu-
ses affectiions vous deuoyent & desire-
royent faire ueoir, & faire experi-

A 4 menter

2 *Discours Amoureux*

menter en effect, ie desire de uous que croyez pour le moins que ie suis curieux du contentement de uos desirs. Ceste uerité engendre une telle lumiere aux yeux de ceux qui font profession de bien uiure qu'a l'aduenir il se representeront uoz uertuz pour modelle, & la reigle de uostre uie pour le compas de routes leurs actions: Cependant prenez engré, si en la fruition de uos belles & cheres presences ie congedie mes tristesses, & mes desdaings, & me deliât des chennes de mes desplaisirs, ie reueste les habits de ma ioye, qui prend son origine de vostre presence: Le ressentiment de ma ioye, & de ce nouveau plaisir de uous ueoir m'est d'une telle odeur, que vous auouant pour son principe, ie ne differeray de uous soub mettre tout ce que les Dieux m'ont donné attendant que uos aydes, & le contentement de uous tous avec le mien se uoyent esleuez sur le Theatre de la bonne fortune.

Phara-

Pharamond : Illustres. & Treshaur Prince, nous uoudrions este douez de vertus & qualitez assez suffisantes pour faire ueoir maintenant quelque acte, qui peut engendrer de la joye en nostre ame, & du contentement aux beaux yeux de ces Illustres, & Genereuses dames & Damoyelles qui nous assistent de leur belle presence. Certes ce n'est de nouveau que ceste enuie nous possede, elle regne en nous des le premier jour qu'entraimes en uostre Cour pour y ueoir uostre gratieux uisage, & uous y rendre bien humble service. Les Dieux nous en sont tesmoings, & nos propres consciences, qui nous semon- gnent, & conuient presentement à uous declarier l'ardeur de nos actions, & desirs; & que c'est l'affection, l'honneur & le respect, que nous portons à uostre grandeur, qui ouure ma bouche au nom de ceste Illustre & noble compagnie, & donne le mouuement à ma

4 *Discours Amoureux*

langue, pour uous signifier qn auons de uous faire chose agreable ; & à bon droit car considerant combien uostre puissance s'estend sur nous, nous serions digne de reprehension, si ma langue ne uous tesmoignoit au nom de tous, pour le moins, nos affectionnez desirs accompagnez d'une sainte volonté à uostre seruice.

La Princesse : Cher chousin ; ie ne scay pas de quelles recompenses ie pourray satisfaire à l'integrité de uous tous, n'en ayant donc la puissance, n'y la cognoissance, ie prie le ciel uous donner toutes ses benedictions, & la terre ses richesses, & encor ie ne scay si tant de biens esgaleront la moindre de uos courtoisies ; parce pour cōble de mes uoeux, ie prie aussi qu'il me donne le moyen de recognoistre un jour devant ma fin par quelque bon seruice l'excellence des bons seruices que i'ay receu de uous tous.

Chil-

Childeric : Si nous nousaymez, Mon Seigneur, n'esleuez point les seruices, que nous uous debuons, sur une colonne tant auantageuse, que vous vous fouueniez le bien estre de uos merites: Car pensez vous que le titre de lovan-ge, que nous donne vostre bonté, nous puisse enfler ou enorgueillir contre nostre coustume? Nous auons appris à nous cognoistre, & à nous desfier de nous mesmes; nous trouuant incapables de donner lumiere à quelque chose de consequence, & toutesfois ie scay que jamais vous ne nous auouerez cette uerité. Mais que seroit il de faire, pour vous fermer eu nos opinions? Tous nos services vous sont acquis, comme à nous tous vos commandements, & uolontez, & vous avez des seruiteurs en nous, lesquels quoy que debiles de forces, ne vous manqueront iamais de bons seruices.

Le Prince : Je vous remercie de uos

belles offres & vous proteste, que de
vieil (ou pauvre) Prince que ie soye, que
jamais le devoir ne me manquera de
bonnes volontez enuers vous, & à qui-
conque aymera la vertu comme vous
qui en faites profession.

Childeric: Nostre discourtoisie, &
incapacité estant estrange, merite plus
d'excuse que si elle procedoit de nostre
propre mouuement à raison de quoy
nous vous submettons franchement à
vostre discretion, esperant qu'elle fera
recepuoir à nos ames autant de satisfac-
tion, & de douceur, qu'auons de pures
& deuotieuses affections à vostre ser-
vice. Et puis que c'est à la jeunesse de
suyure les entre prises de longue halei-
ne, & à ceux qui touchent l'automne,
de leur aage de se conseruer par le re-
pos, ie demande vostre permission &
congé pour l'espace de quelque temps,
à ce que j'aille veoir les pays & Royau-
mes estranges, & là par bons offices, &

par

par la uoye de la vertu y acquerit la cognoissance, & l'amitié de ceux de ma qualité.

Le Prince: C'est urayement le propre d'un Prince bien né, de rechercher non seulement les amitez voisines, ains penetrer aussi les regions loingtaines, & là par bons offices immortalizer son nom: Mais puis que la suffisance d'un seul homme n'est assez judicieuse pour resoudre de tous affaires, il faut conuenir de plusieurs arbitres, & de leurs diuerses opinions tirer une consequence sur la quelle on se puisse asseurement resoudre. Je vous parle en toute liberté, cognoissant & sachant quel vous estes, & combien vous m'estimez sur tous les hommes; parce ie desire qu'en donniez tout premier la cognoissance à vos parens & amis à ce qu'ils aduisent à ce qui sera de besoing pour l'auancement de vos desseings & de vostre voyage.

Childeric: Les belles marques de

vostre ame toute genereuse, & benigne pleine de prudence que me donnez touchant le soing qu'avez de mon bien, fait que i'ose hardiment me vanter de cheuir de la fortune, tant que i'auray l'honneur de viure sous les aisles de vostre prudence: Mon ame cognoit vos bienfaits, & ma conscience approuue qu'il m'est impossible que selon vos merites ie puisse satisfaire à vostre liberalité: I'ose toutes fois quoy que confus en mes debtes me lier dauantage & sans crainte d'importuner, vostre bening esprit, chargé de grands affaires d'estat vous supplier d'accroistre ma premiere obligation: Voycy, Mon Seigneur, un Prince Estranger, qui esloigné (ou separé) des siens, & privé pour le present de tout support, fors de celuy de vostre bonté, implore & supplie vostre faueur, à ce qu'il recoiue l'honneur qu'il desire, vous desirant bien humblement faire la reuerence & vous consacrer l'obeissance de se seruire.

Le

Le Prince : C'est ou relait vostre sagesse, lors que vous reglez vos discours au compas de la raison resignant vostre uouloir à ceux qui vous affectionnent, qui vous sont amys, & qui cherchent uniquement vostre bien, & qui ne souhaitent aultre chose, que l'auancement de vostre honneur : La patience qui vous est necessaire en attendant la resolution de vostre voyage, pour paruenir au poinct que vous desirez ne sera jamais trauersée de tant d'ennuiets, dont les voyageurs se ressentent, qui puissent esbranler vostre uertu & vous precipiter au gouffre de quelque inconvenient : De ma part ie vous promets d'asister rousiours uos desseins en tout ce que ie pourray, & de sorte qu'aurez occasion de me louer. Quand est de mes faveurs, que pensez estre l'unique appuy des Estrangers, elles sont de si basse estoffe, que i'ose ingenuémēt dire que le beau tiltre, dont vous

illu-

illustrez leur foible puissance est un coup de courtoisie de vostre ame genereuse, dont le courage a fait preuve de sa dignité, non seulement le temps qu'avez sciourné en ma Coer, mais en tant de lieux, qu'il est plus capable de se rendre craint iusques aux dernieres regions de la terre, que d'estre loué pour la perfection de ses merites. Touchant ce Prince estrangier qui desire me parler, ce me sera de l'honneur, que i'aye sa cognoissance, mary que ie n'aye recognu sa qualité plustost : que ie l'aye accueillir.

Parthenophile : Tresgenereux, & Treshaut Prince, le bruiet de vos infinies vertuz, & de vostre grandeur, qui s'estend de iour en iour par tout le monde, vous rend tant recommandable parmy les Princes estrangiers, que chascun vous desire cognoistre, & vous cognoissant, vous faire service. Au nombre desquels ie suis si estroitement par mes-

me

me occasion attiré, que ie ne regrette aultre que d'estre receu du nombre de ceux qui vous rendent les plus humbles & fidels services: Recepuez, mon Seigneur, ceste mienne volonté pour erres de l'obeissance, que ie vous ay iadis vouée, oyant tonner la reputation de vostre nom; & soyez certain qu'il n'y aura accident, qui soit suffisant pour me divertir de ce bon desir, & me recommandant par ainsi à vos graces, ie vous baise bien humblement les mains.

Le Prince: Monsieur, l'aymeray toute ma vie ceux qui font profession de la vertu, & de l'honneur, & seray toujours plus officieux à l'endroit des estrangers, que mes propres voisins, d'autant que la necessité doit estre moindre à quiconque vit chez soy, qu'à celuy qui se trouue sepaté des siens, & de son pays: or auant que ie passe plus oculte ie m'asseure que la gratieuse facilité & les loñables moeurs de vostre ame ge-

nerieuse

nerieuse qui par ses rares & excellentes vertus se trace une gloire immortelle aux pays estranges, me semond à ceste creancé, que vous ne ferez offence de mes paroles, & ne m'accuserez d'audace, si devant une plus estroite familiarité, i'ose si hardiment tenter vostre courtoisie, que vous prier de me dire le lieu de vostre naissance, vos parens, & la race Illustre dont vous avez prins vostre origine: cette requeste quy q̄ de prime face elle semble inciuile ne voy doit esmouuoir à quelque sinistre iugement de ma preud'homme; car ce que i'en fay ne tend à aultre fin qu'à m'acquérir vostre amitié & celle de ces Cauailleurs, qui font avecques vous & m'obliger à vous rendre la pareille en aultres choses ou i'aurois le moyen de vous donner l'esclaircissement.

Parthenophile: La lecture de ces lettres que ie vous presente vous donneront pleine cognoissance de ce que desirez sçavoir de moy

Le

Le Prince : l'en feray donc la lecture à ce que i'aye la cognoissance de ce que ie desire fort scavoir : Cependant Monsieur mon Choufin, prenez Monsieur icy, & menez le uers vostre Tante ; là ou passerez le temps avec les Dames, & Damoiselles iusques à ce que le disnet se dresse.



Le

Le Secuond Discours
touchant le commencement
des Chastes & pudiques Amours
de Parthenophile & de Cleonice, ou est
representé le commencement de
leur cognoissance.

Pharamond, Parthenoph:
Cleonice.

Pharamond.

MEs Dames & Damoi
selles, voicy un Cauail
ler qui vient d'estranger pays,
lequel ie vous vien recom-
mander, quoy que sa grandeur & ses
propres vertus le rendent desia assez re-
commandable; ie vous prie donc de luy

fair

faire l'accueil, & l'honneur qu'icelles meritent, m'obligeant de ma part de recognoistré la faueur que luy ferez.

Jnglob. Gou: Monsieur, les personnes de vostre qualité ont un tel accez entre les Dames, & Damoiselles, qu'elles se reputent fort honorées de les pouuoir asister, & leur faire toutes sortes de bons offices: celles qui vont au contraire meritent plustost une fletrisseure de gloire, qu'un accroissement de lovange.

Parthen: Mes Dames & Damoiselles, vos admirables esprits si excellemment façonnez à la vertu, embelissent encor dauantage vos plus rarez beautez, present vrayement singulier, & plus que suffisant pour m'estonner de prime entrée, si quelque fauorable accez, ou plustost vostre bonté & douceur accoustumée ne daignoit suppléer mon imperfection: c'est de cette debonnaireté comme d'une double tresagreea-

ble

ble source que procede un amour iu-
meau, lequel saisit & possede inconti-
nent ceux qui iettent la ueue sur tant
de raretez pour les aymer & admirer
ensemble; mais qui ne seroit viuement
espris des dons si precieux? Le Ciel com-
me un fidelle Thresorier les auoit mis
des long temps en reserue, pour en or-
ner quelque iour uostre bel entende-
ment, pour moy ie ne les imagine pas
moins estimables sur tous aultres que le
corps est plus à priser que les veste-
ments, dont il se couurent: celuy qui
ferme les yeux à la verité laisse volon-
tiers une tresmauuaise opinion de la
syncerité de son ame en la bouche &
croyance des hommes, & qui ne reco-
gnoyt uos belles perfections est notoi-
rement indigne de la faueur de vos bon-
nes graces: i'aduoue qu'elles ont une
efficace sur mon inclination par le res-
sentiment que i'ay du pouuoir, de leur
influence, & pouuoir, mes Dames &

Da-

Damoiselles, me rendant esperduement
espris, du desir extreme, que i'ay de
vous offrir mon obeissance, & supplier
treshumblement, M. D. & D. d'accepter
mon bien humble service.

Inglobergue: Monsieur le tiltre de
louange que vous nous donnez prouue-
nant de vostre singuliere bonte ne nous
peut enfler contre nostre costume, car
nous auons assez appris à nous reco-
gnoistre & nous desfier de nous mesmes:
puis que nous sommes donques incapa-
bles de donner lumiere à quelque chose
de valeur, nous vous prions de n'esle-
uer ces uertus & perfections que nous
attribuez, sur une faiste tant aduanta-
geuse: Souuenez vous des vostres qui
nous donnent lumiere, & pour icelles
asseurez vous, que combien que uos for-
ces soyent petites, que le vouloir ne
nous manquera iamais de uous rendre
les services que merite un Cauailler de
vostre marque.

Par-

Parthenophile: Mes Dames & Damoiselles ie vous remercie de vos belles offres, & vous pro teste que mes desirs n'aspirent aultre chose que de me veoir estre employé en vos services, ou bien de recepuoir de vos commandemēs, a l'execution desquels ie me monstrey ay aussi zelé & actif, comme digne m'avez recognu de participer à vos beaux discours & à vostre douce presence, qui me cause desia mille biens pour auancer ma fortune: reservant toutes fois ce discours à une aultre commodité, de peur de ne vous importuner, ie demande mon congé pour l'expedition de mes propres affaires, & me recommande bien humblement à vos graces.

La Princesse: Non, non; Monsieur vous me feriez un extreme desplaisir de partir d'icy sans prendre la patience d'un petit banquet, que ie viens de commander en memoire de la faueur que nous vous portons, & que nous de-

fitons

fironz tesmoigner s'il vous plaist de nous honorer quelque temps de vostre presence, & faire quelque sejour en nostre Cour: Orcependant que les viandes se dressent, ie vous commande à vous autres Damoiselles de traiter ces ieunes Princes, & leurs Gentilshommes le mieux qu'il vous sera possible: & vous ma fille traittez ce Prince aux mieux que vous pourrez, & l'entretenez de vos discours, car ie scay que vous le recognoistrez digne de vous, plus que nulle autre, & qu'a vostre occasion ie iouray plus long temps de sa presence, qui m'est autant agreable que celle de vous qui estes mon propre enfant.

Parthenoph: Cette prodigieuse courtoisie m'oblige grandement; voire me tire les larmes des yeux, pour me faire depleurer la condition de mon indignité, laquelle ie resigne en vos mains, pour immoler avec mes services à la tui-tion de vostre grandeur & de la commu-

ne liberté : Jugez , Madame de ce mien zele , & l'espere que mes desirs seront secondez en ce qu'ils requeront de vous.

La Princesse : Monsieur , pource que ma fille est assez accomplie de nature , & d'esprit, voire que plusieurs Cauailleurs la respectent pour ceceſuiect, ie vous laisse son entretien, pource que vostre aage a plus de sympathie à son humeur , que la vieillesse qui me talonne.

Parthenophile : Madame ie ne suis point tant presomptueux que me croire digne de la moindre de vos graces & faveurs : ie les recois toutesfois de vostre main, puis qu'il vous plaist me les donner avec protestation de vous servir toute ma vie, & d'estre desormais plus officieux en vostre endroit afin de meriter de l'excuse à l'incapacité de mon aage qui ne scait encor assez deuotieusement recognoistre les personnes auxquelles ie suis obligé : Les effects de mon inte-

gri-

grité seront les tesmoins de la foy que presentement ie vous donne.

La Princesse: C'est donc à bon que vous parlez; ie verray donques à l'aduenir si vostre coeur est aussi riche d'hardiesse, que langue courtoise & liberale en les discours, & à promettre: & cependant que ie vous quitte pour depescher quelques affaires, ie vous laisse l'entretien de ma fille.

Parthenoph: Mademoiselle, i'ay toujours ouy dire, que la peine ordinaire que lon se donne en quelque art facilite les principes d'iceluy, de sorte que d'un ignorant apprentif elle rend l'homme tresuffisant artizan: Je parle ainsi au regard de la difficulté que ie trouue en ce commencement; la modestie causant un rougissement en moy, qui toutesfois me donne l'esperance que me pardonneriez si ie ne vous rend du premier abord le respect que meritent vos belles qualitez, que le Ciel vous à prodigue-

ment departies, lesquelles rauissent de telle sorte les coeurs des personnes, que quiconque vous veoit, recognoit aussi tost qu'avez fraye le chemin du ciel, dont les avez apportées; Car sur tant de belles patties reluit en vous un courage si grand, & une modestie si venerable un esprit si docte une langue tant enrichie d'estrangeres, que ceux qui vous veoyent vous estiment capable d'administrer un Royaume.

Prin: Cleonice: Monsieur, Cessez ie vous prie d'esleurer mes louanges par dessus leurs merites, & vous contentez que les vostres soyent dignes d'un si grand cerueau que ie me deporte de les publier à faute de suffisance.

Parthenophil: Mademoiselle, ces lovanges ne vont point des pair, à vos merites; ie veux toutesfois qu'elles soyent vostres, & que soyez certaine que vous seule les meritez.

Cleo-

Cleonice : Une Damoiselle sage, sachant que les hommes sont variables, selon les objects qui se presentent à leurs yeux ne leur doit facilement sacrer se creance.

Parthenophile: Si ne puis ie desesperer des faveurs de la fortune, ayant l'heur de voir, & savourer les mieilleuses roses qui distillent sur moy goutte à goutte de vos vertueuses courtoisies ores que ie suis esloigné du lieu de ma naissance & que ce pays m'est du tout incognu: Et combien que ceste grace surpasse la dignité de mes merites, ma puissance est si petite sur mon coeur que ie ne puis resister à ses desirs, lesquels n'aspirent aultre chose que vostre chaste beauté, & l'union de vostre personne aux saintes & loyales pensées de celuy qui n'espere & ne desire aultre que vostre alliance: Par donnez moy, Madamoiselle, si levant le voile de mes affections i'use hardiner de

la faueur de longue familiarité, confiderez que c'est l'amour qui m'aiguilonne à ceste audace, & non l'ambition de voir vostre ame assuiettie à l'aueglement de mes volontez passionnées. Vous sçavez assez vous gouverner sans flectifure de vostre gloire, & de mesme juger de mes deportemens: ne vous arguez point des incommoditez, ou du changement des hommes de ce temps: Changement ordinaire quand il ne seroit point à la nature, ie ne desisterois portant de veiller apres vostre recherche, que ie supplie d'avoir agreable; à ce que ie vous serve, & que vous servant i'obeisse à vos chastes amours, qui me sont plus precieuses que mon propre salut: Ce-doux charme sera le rempart de ma vie, & vostre voix l'util qui destruira ma bonne fortune, ou qui me donnera de l'accroissement en icelle.

Cleon: Monsieur, les Damoiselles ont pouuoir sur leurs ames deuant leur

ma-

mariage, & parce elles le doyent faire valloir son prix, d'autant qu'apres la iouissance, leur liberté cesse d'estre leur pour obeir à l'Empire de celle des Amants Sachant donques que la bonne odeur de la renommée est mieux seante à une Damoiselle de qualité que les fascheuses importunitéz d'un grand nombre d'Amants, ie vous prie de resister à vostre zele, tant que le temps vous permette de sortir de ces desdaings amoureux, que vous representez pour seulement calonger, & troubler mon repos; Car les aydes, qui souventesfois nous enchantent font placet aux larmes, & les larmes à la ioye de sorte que celuy, & celle se croit quelque fois bien fortunée que la ruine talonne, & tel malheureux que la felicité couue sous ses favorables aisles.

Parthenophite: Il me semble toutesfois que si ie vous ayme, que mon amour est lovable, & si ie me sens passionné, que ma passion est juste & legitime, si

ie vous honnore, & adore, que c'est la merueille des beautez, & l'honneur de toutes les Dames: Et pour les moins puis que mon contentement depend uniquement de vous, ou de vos faueurs, le deuoir qui m'oblige à le recognoistre est tant extreme qu'il faut que toute ma vie demeure ferme à vous obeir, & que mon obeissance acquiere vos faueurs & vos graces, esperant donques par icelles paruenir au faiste de mes desirs, ie demureray vostre bien humble seruiteur & reprenant ma route avec Monsieur le Prince, ie vous baise bien humblement les mains: le me recommande.

Pharamond: A Dieu, mes Dames & Damoiselles, frautorisez moy de vos graces.

Parthenoph: Cher cousin l'ardeur de vostre affection à l'auancement de mes affaires, me rend tant de preuue de la suffisance de vostre personne que ie me la suis reservée iusques à ce jour, espe-

rant

rant qu'icelle ne me pourroit manquer au point ou ie desire vous employer.

Pharam : Monsieur , puis q̄ les faueurs de vos bonnes fortunes ne m'ont iamais esté refusées , la raison veut qu'aux choses mesme ou reluiroit quelque apparence de malheur , ie sois aussi prompt de vous assister qu'en vostre prosperité: Parcesoyez certain que ce sort esgal me sera tousiours agreable & que ie le suyuray avec autant d'allegresse que vous me donnez de tesmoignages de vostre pure & loyale amitié , partant ie vous prie dem'employer en tout ce qu'il vous semblera bon & utile pour l'auancement de vos affaires.


Parthenoph: Monsieur vostre singuliere bonté & cortoisie me presage une tresbonne issue de mes affaires , & que ie trouueray en vous comme en un second Esculape la medicine des mes desdaings, ayant donques recognou: que ceste Jeune Princesse , est douée de si rares

vertus & perfections tant en l'ame qu'au corps, de forte qu'õ la peut dire le miracle de nature (car comme ie uoy, elle a le poil prime & blond, sont teint ressemblant les lis que l'aube du iour a esclos, ses yeux sont, comme deux brillantes est oilles, & le vermeil de ses belles ioues deux roses freschement espaignouyes, ses leures sont comme le corrail, ses dents de perles, & son large sein d'yuoire renoutez de deux pommes d'albastre, entrelassées de mille petites veines, qui paroissent quelque peu obscures sous une peau plus blanche & delicate que la neige) ie vous prie fort de me recommander à ses graces, à ce que par vostre ayde & assistance ie m'acquiere sa faueur, laquelle ie prefere à toutes les richesses de ce monde, ce faisant m'obligerez tant plus de viure en ceste obeissance, que de vous estre è jamais amy & seruiteur.

Pharamond: Vos qualitez M. vous rendent assez recommandable, de forte

que

que mon assistance ne vous scaroit beaucoup favorizer: si toutesfois ie peux faire quelque chose pour vostre suiet: Affezrez vous que les effects vous feront paroistre q̄ ie ne vise à aultre but, qu'a vous faire chose agreable.



B 6 Troi-

Troisieme discours des
 Chastes Amours de Parthe-
 nophile, & de Cleonice, ou est represen-
 té au vif un Examen, & la preuve d'un
 vray Amant, qui par sa pudique constan-
 ce espere parvenir au faiste de ses
 desirs,

Parthenophile, & Cleonice.

Parthenophile.

MADAMOISELLE, bien que je
 sois certain, que ma temerité
 vous sera notoire par l'es cler-
 cissement de mes pretensions:
 si est ce que le contentement que ie rece-
 puray en mon malheur de pouuoir de-
 charger mon ame de ce qu'il la faisoit
 croupir sous le faix, ne me fait aulcune-
 ment apprehender ceste cognoissance:
 donnez tant de desdaings à ces presom-
 ptions qu'il vous plaira, ie donray de la

souf-

souffrance à vos rigueurs, gardant arriere moy le deuotieux desseing de vous seruir qui ne manquera iamais: ny l'humble ton de ma voix ne resonnera aultre chose que vostre merite, qui me lairra un voeu Eternel à la continuation de ce seruice, pour vous avouer la plus belle ame qui le sceust maistriser: ne doubtez, s'il vous plaist, de l'eternité de mon amour, non plus que ie fais de celle de mon ame, car ce seroit faire tort à celuy qui ne forme ses dimensions que sur l'astrolabe d'une tressaincte amitié; honnorez moy donc (de grace) à l'advenir du nom de vostre Serviteur, tiltre qui sera la plus riche parure, que i'auray en toutes mes trophées: mais c'est en fin perdre ses pas de vous donner de plus longues assurances de mon seruage, puis que vostre beauté, & vos perfections parlent assez au milieu de mon silence, & mon visage leur sert de tesmoins irreprochables, si vous fauorisez mes desirs sans regarder aux merites

que l'on pourroit esperer de moy, tout leur object sera pour ostente de leur triomphe, l'honneur d'une si digne conqueste; car avec la gloire que ie recepuray, parmy tant de delices, qui rendront vostre fortune inseparable de ma vie; ie me vanteray bien de me rendre non seulement admirable, mais aussi inimitable en ce qui concernera la fidelité.

Cleonice: Monsieur bien que vostre bel esprit me vueille forcer avec des raisons si furtivement desrobées, ie ne pense pas toutesfois que vos volontez soyent partisans du licentieux esclat de vostre bouche: Certe occasion fait maistre le subiect de ces paroles plustost que la force de ma fortune: L'apparence qu'il y a de mon peu de merite, fait que difficilement ie liure ma croyance au pouuoir de ces protestations, car il faudroit meriter pour causer des effects de bienveillance, & chez moy l'on n'y en trouue point: toutesfois, Monsieur, puis qu'oultre l'attête

que

que i'avois cet heur m'arriue, ie vous sup-
plieray de croric, que si vos promesses en-
tretiennent mon esperance avec des ve-
ritez, ma constance vous rendra des fru-
icts conformes à ceste nourriture, m'esti-
mant tresheureuse de me veoir par vo-
stre jugement esleveé digne de la posses-
sion de vostre valeur.

Parthenoph: Madamoiselle, toute l'as-
siette de mes souhaits, n'est assise que sur
l'enuie que i'ay, que sous vostre permis-
sion ie monstre quelque estincelle de ma
servitude, qui ne prendra loy que de vos
commandements, ny mon coeur ne rece-
pura iamais d'autres caracteres, que
ceux que vostre belle main (chef d'oeu-
vre de nature) se daignera d'yimprimer;
vous assurant qu'en part du monde ou
la fortune me puisse jetter, ie ne derogue-
ray point du voeu que i'ay fait de viure
vostre esclave: Car ou pourrois ie em-
prisonner ma liberté à ce qu'elle fust en
des plus belles prisons, ny la lier, de plus

fer-

fermes liens que de ceux de vostre amitié.

Cleonice: Je recognois bien Monsieur, que vous donnez bonde à vos belles paroles, plustost pour tromper l'oyssueré, & mettre au iour l'incapacité de mon esprit, qui ne vous laissera pour toute reste qu'une impression de mon ignorance, que non pas pour aucune passion, qui puisse aborder vostre ame: Neantmoins quelle incertitude que i'y apperçoive ie ne l'airray d'apporter une infinité de remerciements, & vous monstrent que vous aurez plus d'occasion de vous louer de la recepte de vos offres, que du peu de suiect de les m'auoir signifiez.

Partenoph: Vos vertus, & voz perfections ont tant acquis de puissance sur moy, vostre Serviteur que laissant tous autres merites pour envier les vostres, ie me suis franchement dedié à vous & vous me recepuant ie vous supplie de m'asister

de

de vos faveurs à la mesure de mon desir, & non pas à celle de mes merites, qui ont si peu de souffrance, que si vouliez là viser, ie suis fort assureé que ie n'y trouuerois point de support: Secouru toutes-fois de vostre bienveillance, elle me fera mettre sous le pied tout ce que le malheur me pourroit envier car de viure sans vous, Mademoiselle, le tombeau me sera plus doux que ma uie.

Cléonice: Pardonnez moy, Monsieur, si ie ne vous rend le respect que meritè vostre qualité: car si nommant en general ie n'en excepte nul de vostre sexe; l'oeuvre d'un chascun descouure ses effects, c'est de là qu'on prend jugement on de la constance ou de l'infidelité, cettécy rend les mortels vituperables deuant les Dieux: l'autre apparoit si claire entre les ombres de la malice qu'elle contraint ses propres ennemis de l'auoir en estime: Quiconque aura ceste perfection, qu'il remercie les puissances sans se picquer de

mes

mes paroles, d'autant qu'elles ne bles-
sent que ceux qui n'ont rien qu'un mas-
que de feintise, dont ils couurent leurs
mauuaises conceptions, pour decepuoir
les esprits imbecilles de nostre sexe, qui se
permettent charmer aux appas de la va-
nité d'l'amour de sorte Monsieur, que si
vous auiez l'ame si perfide que de vouloir
seulement estre le sappeur de mon hon-
neur, & d'idolatrer mes yeux pour en
oster l'idole soubs pretexte d'une feinte
loyauté; ô combien plustost consenti-
rois ie à la perte de ma vie, qu'à celle de
ma reputation? Car n'est ce pas un bien
plus beau contentemēt d'auoir vaincu le
plaisir que d'en auoir iouy: parce, Mon-
sieur, permettez tout premier que i'aye
la cognoissance de vostre constance & lo-
yauté, auant que ie vous face voir celle
de mon amour & de mon affection.

Parthenoph. Madamoyselle, i'estois
ignorāt des mysteres de ce Dieu aueugle,
que les anciens ont appellé le fils de Ve-

nus,

nus, & croyois que les flammes dont ils allumoyent les coeurs des ames n'estoyent que feintes, inventées au cerveau des hommes pour decepuoir la facilité de vostre sexe, mon peu d'experience me'ust roydy d'avantage à ceste pensée si la divinité d'iceluy qui pourchassoit mon mespris n'eust trié mon coeur pour le punir de son jugement temeraire & l'exposer aux yeux de tout le monde comme un eschantillon dont il use contre l'erreur des ames inconsiderées; ce contrepied de mes esperances m'a touché si vivement qu'il m'a esté force de vous descouvrir ma blesseure, à ce que l'ardeur dont elle est esbranlée s'amortisse à vostre remede, & coupe le train à la gangraine, qui par faute de medicaments avanceroit la ruine de ma personne; vos yeux que j'adore & la beauté de ce front qui surpasse l'excellence des Deesses, sont les vtils que l'amour à preparez au martyre de mon ame: il s'en est seruy ce cruel

&

& me tuant de felicité m'afait reuiure en ceste esperance que vous entremeslerez le miel de vos benignes faveurs à l'amer tume fascheuse de mes peines: Pardonnez moy Madamoiselle si devant toute marque d'obeissance, & de fidelité ie vous esclaircis ma pensée: l'integrité de mon affection, qui se porte vostre service me commande de m'oublier moy mesme & resigner ma condition entre les mains de vostre pitié: faites moy tant de bien que de laisser les excuses, & comme puissante en vostre liberté, permettez que j'approche de vous & que ie vous sacre les plus deuotieuses affections de ma fidelité.

Cleonte: L'inconstance des hommes a tant de vogue en ce miserable siecle, que la renommée ne sonne aultre chose a nos oreilles fors le deshonneur de celles qui se sont laissées couler aux venimeux appas de leurs charmes: Ces beaux exemples, ou j'instruis le gouvernement de ma vie me retirent de l'ambition d'estre ser-

vie

vie & honorée de vous pour fonder l'edifice de mes esperances fut la baze d'une fortune moins eslevée, mais plus convenable à ma condition: la blesseure que vous dites avoir en l'ame est commune au general de vostre sexe: les uns l'ont vivement emprainte, & les aultres'en feignent atteints pour decepuoir nostre simplicité, ie ueux bien que vostre amour se chatoville de mon aduantage, ie ueux bien que vostre desir ne souspire que Cleonice si est ce que ie le pense encor aussi tendre, & si debile de vigueur qu'il ne peut avoir acquis l'extremité que luy donnez: veritablement il y a de quoy louer vos affections, si l'harmonie de nos qualitez estoit esgale: mais la difference que i'e voy est tant apparente, que sans me tromper moy mesme ie n'y puis arrester mes pensées: La crainte d'un tant sinistre accident suffiroit à me faire reietter vos pour suites, si ie n'avois resolu de vous recepuoir aux espreuves de la

fi-

fidelité: ie vous en ouure les pas, vous ad-
vertissant que vostre vouloir n'est plus
vostre ains à une Princesse (ou Damoi-
seille) qui vous commande de n'e l'im-
portuner de chose qui puisse blesser son
honneur, sur peine de decheoir de l'esti-
me qu'elle fait de vous, & destre reputé
le plus perfide & detestable qui soit sur
la terre. La vengeance que ie prepare à
vos defauts sera une immortelle disgra-
ce, à laquelle n'y l'authorité que vous a-
vez en vos territoires ne pœurront trou-
uer une excuse assez legitime.

Parthenoph. C'est le plus grand de mes
malheurs qu'auoir este si longuement au
monde priue des doux fruiets, de vostre
diuine presencé, & ne vous auoir sacré
monservice, afin, qu'en l'integrité d'ice
luy, il vous apparust du zele & de la sain-
cte intention qui me poussent à l'enuie
de vos faveurs: mais puis que les Dieux
m'ont tant infortuné que jusques à pre-
sent ie n'ay eu le moyen d'admirer vos

per-

perfections, & que ceste faute ressent plus tost l'iniustice que le manquement de ma personne, ie patience non sans larmes en la confusion de mon desastre, & vous uoyant plus genereuse & belle que la beauté mesme i'espere en vos graces, & me glorifice de vous preferer à routes choses puis que la nature vous à liberalement de party ce qu'elle tenoit de plus precieux: voil à la fidelité de mes p̄sées, elles vous seront apparêtes à la premiere espreuve, lors que vous esleuerez vostre ame à des desseings parfaitement excellents & vous disposerez d'embrasser la dignité que mon ame vous prepare elle sera vostre quand vous serez mienne; consentez seulement que pour tesmoignage de mon dire ie vous accolle, & vous baise, & vous trouuerez que mes promesses seront veritables.

Cleonice: Mon Seigneur, ie ne vous donneray d'aultres tesmoignages de mon affection, sinon ma foy par laquelle des à

pre-

present ie vous promets la possession de mes amours, & ce seulement durant le temps que ie vous recognoistray constant, & curieux gar dien de ma reputation, & de mon honneur.

Parthenophile Madamoiselle, ie vous supplie de me donner presentement sentence de vie, ou de mort afin que resuscité, en nouvelle esperance, ou despouillé de tout ce que mon coeur pretend, ie m'ensevelisse au cahos de l'oubly, ou ie regaigne ce que le malheur me rait injustement: Si j'ay meritè vostre courroux, & les cruels refus que ie ressens de vos beautez c'est à vous de me dire pourquoy, & m'imposer une poenitence, selon la grandeur de mon peché: mais vostre coeur bouffy de mespris reiettant mes offtes ne considere pas si de libre volonté ie me suis porté à l'offence ou si la malice de mon astre m'a forcé de le commettre: tesmoins m'en soyent le ciel, & les Dieux, si jamais i'ay pensé re-

cer-

chercher vostre amitié en aultre intention, que luy rendre tout le debuoir ou la vertu & modestie oblige un courage genereux: Cette verité doit estre capable pour confirmer mon zele, ou pour le moins de diminuer vostre rigueur, qui se dispose à iouer une sanglante tragedie de ma miserable ieunesse: Ne soyez tant contraire à mes vœux que la Posterité vous accuse d'auoir indiscrettement exerce vos fantasies contre la personne qui vous aymoit plus que soy mesme: ains pendant que le temps vous donne loisir de vous recognoistre, recueillez la raison de vostre esprit & sur la touche, d'icelle examinez mon integrité; ainsi quand vous aurez reconnu que ie vous desire, non pour contenter la violence de mes affections desreiglees; mais pour m'estre ioint en mariage, vous endurerez que mes yeux se delectent en la clarté de vostre belle face attendant

C

l'heure

l'heure que ce sacré mystere se consume à nostre contentement : Voilà l'intégrité de mes pensées , vous y debuez fonder vostre creance , sans vous envelopper de doubtes incertains , lesquels n'ont auttre but que le trouble de vostre ayse.

Cleanice : Monsieur, c'est vostre finguliere bonté, & le soing que vous avez de me veoir bien heureuse, qui vous incitent à me tesmoigner de vos affecti-
ons: le me treuve donc vous estre infiniment redevable, encor que ie sois resoluë de ne vous consentir legereënt, ains avecques prudence, à celle fin que le repentir de m'estre precipitée ne puisse mordre sur mes actions, & iouer son rolle aux despens de mon repos: Vostre bel esprit sçait assez combien il est incivil de traiter des mariages à la volée, & qu'en celâ il faut necessairement recognoistre quelque harmonie entre les moeurs des parties, & ceiles

des

des parens, à ce que ce lien demeure inviolable sur le fondement d'une constante amitié, autrement ce seroit joindre les mors aux vivants les Loups aux Agneaux, & susciter une discorde qui jamais ne seroit este inte qu'à la ruine de l'une & de l'autre parenté: Parce, Monsieur, ie vous prie de permettre que recourions à la voye qui n'a point de destroiets, quoy faisant i'espere qu'y trouuerons du contentement: Cependat resiouissez vous, & tenez pour source asseurée la foy que ie vous donne, que la mort mesme ne batinera rien sur la rememoration que ie porte avec moy de vostre grandeur & de vos rares qualitez, addoucissez vostre aigreur & nourissez vostre belle humeur dul'aict de l'esperance.

Parth: Illustre fleur de beauté, il né sera iour de ma vie que ie ne m'estime bien fortuné d'estre parvenu en vostre service, & que ie n'oublie mon propre

C

vouloir

vouloir pour vous suyure & obeir à vos honestes commandements : La preuue que vous ferez de mes services vous asseurera tellement de mon integrité que vous cesserez de doubter de ma fidelité pour me reputer Prince qui a appris par bonne nourriture & soigneuse instruction l'exercice de la vertu, & non celuy du vice, & des maluians, qui repaissent bien souuent leur sale auarice de la substance de vostre sexe.

Cleonice : Tant que vous demeurerez constant en vostre foy ie ne ruineray iamais vos esperances, estant celuy dont l'honneste facilité & la Courtoisie se sont acquis la future possession de ma personne : Contentez vous de cecy, & couurez du voile de discretion l'ardeur passionnée de vostre amour, à ce que le silence nourrisse l'entreprise de vos desseings par la voye de la vertu iusques à ce qu'ils soyent arrivez à leur execution.

Par.

Parthenophile: O chere Maistresse, puis que vous voulez que ie vive & meure constant en ma foy & mon service, recepuez l'offrande de mes affecti-
ons, qui purement ie vous consacre com-
me à celles que les a gagnées au prix de
sa constance: puisse ie plustot perir devo-
ré des bestes sauvages que changer d'
amour & qu'une aultre que vous iouis-
sa la liberté de ma ieunesse: O soustien de
ma vie, ô palme de mes trophées, ou ie
m'appens pour vaincu, mon coeur vous
s'ohaitte, afin que vous possédant il se
possede soy mesme, sans vous sa vigueur
diminue ainsi que le feu, qui à faute de
matiere cesse son embrasement & s'este-
int; sans vous se perdrait le courage qui l'
anime aux entreprises diffitiles, & sans
vos douceurs, dont il savoure plene-
ment les charmes sa vie luy seroit com-
me un exil, & cet exil luy seroit insup-
portable, certes c'est de vous seule que ie
reçois la force de resister aux assauts de

l'adversité : vous estes le soleil qui dissipez mes tenebres , qui donnez du repos à mes travaux, & de la consolation à ma tristesse, & à mes ennuicts, & puis qu'il est temps que ie parte d'icy pour cesser de vous estre, importum, vous disant à Dieu ie vous prie fort d'avoir souvenance de vostre nouveau acquis. A Dieu ma chere ame.

Cleonice: A Dieu mon desir.

Parthen. Favorisez moy toujours de vos graces ma belle.

Cleonice. Elles feront perpetuellement à vostre fidelité mon doux coeur.

Parthenoph : Je meure plustost sur ce fueil, que violer ma foy.

Cleonice : Et que i'abyssine aux enfers lors que i'altereray ma promesse.

Parthenoph: A Dieu mon coeur.

Cleonice: A Dieu soyez mon miel, ma douceur, & la seule baze de ma gloire.

Qua-

Quatriefme discours ou-
la constance de ces Amants est
depeinte au vif, & assuree par plu-
sieurs marques, & esclaircisse-
ments de leurs des-
seings.

Parthenophile & Cleonice :

Parthenophile.

SEul entretien de mu vie
sie reviens icy pour impor-
tuner vostre repos, c'est a
vous seule qu'en debuez at-
tribuer le sujet & la cause; c'en est tou-
tesfois que pour vous monstrier que ie
ne desire faillir d'un seul point aude-
buoir de mon amitié, ains au contraire
ie desire en accroistre l'observation & le
respect, puis que le sujet en est aug-
menté ou si seulement ie vous pouvois
monstrier, mon coeur descouvert, com-
bien de caracteres d'une vive passion

y verriez vous engravez? ou si pour le moins ma langue suffisoit pour vous en faire avoir une cognoissance, ie ne plaindrois les heures heureusement employées à ceste narration! mais il est certain qu'une violente douleur ne peut pour sa violence donner passage aux organes de la voix pour la proferer.

Cleonice: Monsieur, c'est vostre ame toute genereuse, poursuyuant l'auancement de mon bien, & de mon ayse, qui vous conuie a ce fait, pour poursuyure la continuation de vos desseings: Vos discours estants sans masque & accompagnez de la fidelité qui doit regner en ceux de vostre qualité me peuuent seuls confirmer en l'esperance que m'avez donnée de pouuir estre à tousiours mais vostre bien humble seruant.

Parthenophile: Ma chere ame, ie beny le iour heureux qui me felicita de vostre agreable presence: mais que

serois

serois ie sans vos doux appas ? sans vos pudiques amorces ? Ma vie s'esuanouyroit esteinte , ie ne cheminerois qu'en tenebres , ou maintenant une celeste clarté me sert de guide . & mon desir qui s'allume à la splendeur de vostre belle face croupiroit au tombeau de paresse & se verroit despouillé de tout ressentiment de vertu . Les destins me lians au service de vostre excellence m'ont onuert le pas à la felicité , & moy le vous ouuriray à l'honneur , le souvenir de vostre liberalité viura perpetuel en ma memoire à la confusion de toutes mes peines ; car que me , reste il à souhaitter en la possession de vos beaux yeux (ô ma celeste) si non que mon esprit rompant le filet de la nature tout libre & pur s'unisse au vostre afin que de leur concorde naisse une perdurable alliance ? mais l'enuie qui me porte à si douce ambition ne pouuant paruenir à fin , demeure foible &

—
sans haleine au milieu de sa course, & toutesfois ie ne puis nier que toutes les faveurs des astres ne distillent leurs douces rousées sur moy, estant uray que le ressentir de leurs influences me chatouille de telle sorte qu'eslevant mes yeux jusques au ciel il les ravit à la fruition de la uraye & parfaite felicité; voilà de quoy ie puisse des matieres de mes esperances & basty le ferme rempart contre mes infortunes: I'en triomphe avec tant d'heur qu'il n'y a rien icy bas qui puisse apporter de l'estonnement à ma constance: jugez autant purement de ceste verité que ie fay des pudiques affectious de vostre ame, & vous asseurez que i'y reigleray mes volontez, pour vous monstrier qu'elles ne sont plus à moy, ains que ie les ay dediées aux services de vos rares & excellentes vertuz.

Cleonsce: Monsieur, bienque ie reconnoisse par vos discours que la fidelité

—
regne

regne constamment en vous : si est ce qu'il faut (excusant toutesfois par mesme moyen la boillante altere de vostre ieunesse, & la vertueuse temerité de vostre courage (que ie vous prie & commande de ne rien entreprendre, ou il y aille du nostre, d'autāt que visant ailleurs vous pourriez faire naistre du changement & ce changement me seroit cent mille fois plus odieux que la mort.

Parthen : Je ne scay si la defence m'est legitime, ou si l'integrité de ma conscience, qui vous est maintenant tant cogneue se doit confesser atteinte de l'erreur que m'imposez ; Mais choisissez lequel vous voudrez, ou prenez les deux ensemble puis quand vous les aurez examinez à la touche du droict, donney moy jugement ou de peché ou d'innocence : Je jure le ciel que ce qui procedera de vostre discretion servira de niveau à mes vouldoirs sans que iamais ils varient ; n'y a droit, n'y a gauche de la

reigle que vous aurez ordonnée.

Cleonice : Le prise tant vostre fidelité que ie ne vous veux enioindre aultre patience que celle qui procedera de vostre choix , partant avisez & faites eslection de la quelle bon vous semblera : car i'ay resolu de ne proceder autrement contre vous , qu'au contentement de vos vocux & resentiment de ma gloire & reputation.

Parthen : Le baiser de vos belles & delicates mains qui blessent ma liberté & me lient d'une perpetuelle servitude a l'amour de vos celestes beautex , fera la pœnitence qui ie choyfi & desire commencer , si vous estes autant preparée de la recepuoir , que moy de la parfaire.

Cleonice : Permettent les Dieux qu'elle ne me soit moins durable que plaisante è supporter : Et vous (l'appuy de mon ame) recepuez ce chaste & pudique baiser pour loyer de vos peines & pour gaige

de

de nostre inviolable amitié: Que cette faveur vous serve de barriere pour n'aller pas à une plus dommageable courtoisie.

Parthenoph. Ah! viures terrestres n'irritez plus mon coeur qui vous reiette comme choses pollues, ains quittez le lieu à la nourriture spirituelle, que me prepare ma divine: ô chaste Royne de ma gloire, ô dame de mes plus saintes pensées, puis que vostre courtoisie à vaincu la rigueur de ma tristesse, c'est bien la raison que ie vous rende toute honneste obeissance.

Cleonice: Ie vous prie differez ces amoureuses rapines en aultre temps, de peur que le trop de liberté que ie vous laisse prendre ne se tourne à ma confusion.

Parthenoph. Me voicy prest d'obeir à vos commandements: toutesfois ne serois ie pas bien rempli de mescognissance, si mettant arriete toutes mes faveurs i'en laissois triompher le mespris: Quoy?

qui a il au monde que ie sçeuſſe par toutes façons de ſouhairs ſouhaitter qui me donnaſt plus de contentement, que l'afſurance que ie reçois de vous ma belle que i' honore autant que l'honneur meſme, & qui eſtes le miroir à mes yeux ? ne m'eſt il pas donc licite pour tant de preuves de voſtre affection que ie vous donne des deſmoignages & marques de mon amour ? ô ſeul ſouſtien de ma vie ! que la douceur des delices preſentes me fait bié oublier l'amertume de toutes mes paſſions paſſées : car comme l'on ne peut atteindre la fin d'un chemin tout pierreux plein de bourbeuſe fange ſans une grandiffime peine, & plus de difficulté s'y eſt rencontrée & tant plus de plaifir a on en l'iffue : plus l'ennemy eſt fort, & plus la victoire en eſt glorieuſe : Les choſes difficiles ont la iouiſſance plus douce que celles que l'on a acquis avec moins de peine, ou le deſir en eſt auſſi court, que facile l'acquisition : O qu'a preſent ma felicité

ua bien du pair avec mon affection: Aft-
heure experimente ie bien que qui n'a
seny ou gouste de l'amer, ne scait que
veut dire le doux: qui n'a vogué à plei-
nes voiles sur le fleuve des amertumes,
n'est pas digne de humer à l'ongue haleine
les delices de douceur: Parce (belle Mo-
narque de mavie) ayez ceste croyance que
ie n'ay rien de si cher que d'entretenir
mes pensées de vostre doux souuenir, qui
sera tousiours le plus agreable object de
mes desirs, suyoant lesquels ie conformeray
mes effects pour estre des veritables
tableaux ou vos desiances (sy tant est
qu'en ayez) y liront la loy de mon serua-
ge: aduienne ce qu'il vouldra, l'on me
trouuera tousiours remply de vostre me-
moire, m'a fantasie n'aura iamais aultre
imagination, ma langue aultre discours,
mon coeur aultre desir, ma poitrine
n'aura d'aultre coeur, & ma bouche n'au-
ra aultre nō que celuy que i'adore: Que
les cieux me transportent là eu ils vou-

dront

dront, mes desirs vugueront tousiours à pleines voiles devers vostre Orient pour courtizer le Zodiac qui regarde vostre service: Mais que me sert il de braver icy en presence de paroles? puis que i'ax ma consolation aux glorieux effects? le passeray donc le ressentiment que i'en porte sous la faveur du silence; Et pource que la nuict nous presse de faire fin à nos entretiens tous charmez, ie vous dis le bon soir unique appuy de ma vie.

Cleonice: La nuict vous soit heureuse, douceur de mon ame.


Parthenoph: Les Dieux vous envoient un repos agreable, ma perle desirée.

Cleonice: Et le somme vous puisse aussi bien enchanter que vos labeurs: Thresor excellent de mes esperances.

Parthen: Que desirez vous commander à celuy, qui vous ayme plus que soy mesme, ma belle Dame.

Cleo.

Cleonice: Qu'il soit toujours constant, & qu'en recompense de sa constance ie sois tenue; de me reserver pour luy,



Cin-

Cinquiesme discours Ou
la conclusion des desseings de
nos Amants est representée, pour finale-
ment mettre en Eeffect leurs promes-
ses, & entrer en un lien de
mariage.

Parthenophile, Cleonice.

Parthenoph.

Ant de longves tirades
de plaintes dont m'importu-
ne continuellement le ciel
(doux enchantement de mes
angoisses) me feroient en filer
icy une longue riviere de propos, pour
vous presenter au vif l'image languis-
sante que ie recelle dans mon ame, pour
la separation de nos contentements, si ce
n'estoyt qu'ayants long temps vesçu
dans le seiour de vos merites, vous me
croyez meriter le nom de vestre servi-
teur:

teur : Par ainsi commençant desia à humer l'aigreur de nostre absence que i'ay destinée pour l'avancement d'un seiour eternal, i'adioerne tous les effects d'amitié, & de service qu'avez estalez en mon endroiect à comparoistre devant la porte de ma memoire, pour estre religieux observantius aux commandeméts de vostre belle bouche : Que si ie vous laisse avec mille cuysants regrets, & qu'à ces doleances vous y contribuez des l'armes, ie vous delaisse en recompense mon ame pour appennage de ceste verité prenant avec la douceur mesme le pourtraict de vos beautez, pour y peindre au dessoubs l'amour indicible que ie vous porte, veilladez le quelque sols, ie vous prie, des yeux de vostre memoire & l'embrassez des bras de vostre affection, puis qu'il vous cherit à l'egal de soy mesme : une belle ame comme la vostre capable d'aymer n'est pas ingrante du bien que l'on luy souspire, ny mon amour aussi

n'est

n'est marqué que du coing de l'eternité. Carefsez donc mon fouvenir en revanche de tant de faveurs, l'oubly de vos perfections ne logera jamais chez moy; Et me retirant ie vous diray trois fois l'A Dieu d'une douceur meslée d'un crevecœur soupirant: Je reitere encor cest A Dieu avec un ennuy, que ma bouche ne scauroit dire sans soupirer, vous suppliant de me favoriser de ceste creance, qu'entre toutes les fortunes du monde ou ie puisse tomber ie seray toujours vostre; Ie me declare donc vostre puis que le ciel & mon amour le veulent ainsi.

Cleonice: O moitié de mon ame, ie cheris vostre conseil, i'adore la belle ambition que vous avez conceue de vostre voyage: j'honore le seul desir qui vous pousse en mes desirs & love infiniment le bon heur que vous marquez en la grandeur de vostre poursuite, ie l'embrasse & l'enferre entre les bras de mon affection, ie l'esleve avec les yeux de la raison dans


le

le ciel de sa divinité, ie ne vois rien que par luy mesme, & luy mesme ne peut rien rien veoir que ie ne contemple: Que puissiez vous beaux desirs consulter ce voyage à la gloire de vostre entreprise, pour servir de lustre dans l'ame de vostre bel astre, doux tombeau de son coeur, pour memoire de nos beaux desseings, & vous l'estre de leur estre, le motif de leurs motifs, la cause de leurs effects, monstrez vous y autant favorable, que vostre impottante faveur y est requise, & sous ceste assurance ie me trouue toute comblée de tristesse pour l'horreur que ie commence à ressentir considerant vostre esloignement; mais ie me console en ce qu'il ne diminuera rien de la volonté que i'ay d'estre immortellement vostre: & afin que ie vive tant plus assurée en mes esperances; le vous prie, seul soustien de ma vie, de demander l'aduis de me Peres & Meres, voire leur donner la cognoissance de nos desseings, à ce que le temps

n'y

n'y admette aucune confusion, chose qui se pourra faire leur donnant la cognoissance que nos desseings visent à entrer en un lien de mariage.

Parthenoph. A moy ne tiendra que ie ne paracheve la naissance de nostre bonne fortune pour vous confirmer en la felicité de nos desseings.



Si-

Sixiesme discours, Ou
Parthenophile demande en
Mariage Cleonice.

Le Prince, Partenoph. Cleonice.
Parthenoph.

Monseigneur, ayant en tant de
lieux esprouvé vostre amitié,
& votre bienveillance, qui ne
peut que ie leur fois beau-
coup redevable, i'ay pensé
que pour vous obliger d'avantage à me
vouloir du bien, qu'il m'estoit necessaire
d'avoir recours à vostre alliance, & par le
mariage de vostre fille me ioindre telle-
ment à vous, qu'en cest estroit lien cha-
cun eust de quoy juger de monzele, & re-
cognoistre cōbiē ie suis desireux de veoir
avācé ce qui est vostre: Je ne vāteray point
icy mes qualitez, ie tairay l'origine de l'I-
lustre & antique maison dōt i'ay prins ma

for-

sortie, (ou mon issue) ie ne ramenteuray rien de mes Ancestre; Il me suffit de vous dire que ie cheris & honnore vostre fille, pour ses vertuz & qualitez, plus que moymesme, ie vous prie donc d'aider si ie puis autant que les merites, & me donner une prompte responce afin que ie me ferme en mes desseings, ou que les voyants trompez de leur esperance, ie ne passe plus avant en ceste poursuite.

Le Prince: Je vous remercie de l'honneur que vous me fairez & à ma fille, ie consens à vostre desir, (ou demande) attendant que ma fille, y apporte ce qui est en elle, ce qu'espere qu'elle fera librement, tant pour obeir à celuy par le moyen duquel elle a tiré la vie, que pour le respect de vostre grandeur accompagnée de si rares qualitez. Assurez vous donques cependant en mes promesses, & croyez que ie ne veux onques contreve-

nir

nir à la foy que presentement ie vous
donne.

Parthenoph. Et moy vous remercie de
mesme, touchant l'esgard qu'avez en
mon contentement, qui gist seul en
l'alliance que m'avez accordée: & à
celle fin que ie recerche l'avancement
d'icelle, ie vous prie, Monseigneur,
d'accorder vostre volonté au desir que
i'ay, & qui m'emportera d'aupres de
vous, pour en aller donner la cognoissan-
ce à ceux a qui mon bien touche: Pre-
nant donques congé de vous, Monsei-
gneur comme aussi de Madame, & vous
disant A Dieu, voire oubliant toutes
sortes d'excuses, & justifications, ie vous
supplie, & prie de me remettre toutes
sortes d'offences que i'ay cōmises en vo-
stre Cour, peut estre mesme à mon
insceu, & si vous les estimez par trop
grandes, Assurez vous que vostre
douceur en reluira davantage, & ce vous
sera plus d'honneur d'avoir pardonné,

D

pouuant

pouuant chastier, que d'auoir chastié
pouuant pardonner.

Le Prince: Les excuses & justifications
ne sont point necessaires à ceux qui n'ont
point failly, comme vous, qui pourriez
craindre nos reproches, si la preuue de
vostre bonne volonté dependoit des oc-
casions, ou vous peut estre pensez auoir
failly: Mais il me suffit que vous disposi-
ez de vostre discretion à l'usage de vostre
honneur & contentement & que nous
y ayons la part que nos affections meri-
tent Mais, quelle toute pensez vous tenir.

Parthen, Je suis d'aduis d'aller droit à
Paris dont à ceste occasion i'ay de-
mandé sauf conduict aux
Princesse,
&c.

SAUF.

SAUFCONDUICT.

DEsseignant un voyage en la Cour versle Roy sur quelque affaire d'importāce, i'ay jugé que ce seroit faire beaucoup pour tenir le court chemin que passer par les pays & Territoires de vostre obeissance; Chose que ie n'eusse entreprise à vostre desceu sans une insigne alteration de ma renommée sachant que les bons offices que i'ay tousiours receu de vous m'obligent d'un si estroit lien à vostre grādeur, qu'il ne peut estre que ie ne luy sois infiniment redevable Confessant ceste verité, i'implore vostre grandeur en sauf conduict, & vostre facilité coustumiere pour l'asseurance de moy & de mon train, pource aussi que ie

desire fort communiquer avec vous, & protester tout bonnesté, & vertueux service.

Parth. Et bien ! mon tout, puis qu'il faut que ie parte d'icyie vous supplie au nom d'amour, de me congedier, & m'honorer de ceste Guirlande (ou chappelet de fleurs) qui couvre vous beaux & deliez cheveux, afin qu'estant compagne de mon entreprise, elle me soit un rempar contre toutes les menaces de la fortune : En recompense ie vous laisse mon coeur, qui vif & mort sera vostre : chorriffez le, ma belle Dame, comme le plus precieux meuble de vostre tresfidele serviteur.

Cleonice. Je voudrois, Monsieur, que ce fusten mon pouuoir vous donner au lieu de ce petit present tout le bon heur de la fortune, certes vous vetriez combien mon zele est entier à vostre avancement. Que si le ciel favorise vostre voyage, & qu'il vous permette de retourner vers

nous,

nous , assurez vous de la possession
de ma personne , car vostre fidelité
m'est autant approuvée qu'il m'est im-
possible de recompenser ses merites, que
par la devotieuse servitude de ma liberté.
Allez donc & mesnagez vostre vie à ce
que le monde reconnoisse que vous m'y-
mez, & que mes prieres ne sont si foibles
à l'endroiect de vostre belle ame, qu'elles
ne puissent attiedir la bovillonnante ar-
deur de vostre esprit.

Parth. Je vous en rend les graces qui
vous appartiennent; Et ne tenant ce bi-
en faiect de vous que par emprumpt ie
vous promets que mon affection vous en
paye la rente.

Cleonice: Je ne scavroy faire si grande
chose , que ce ne soit trop peu pour vos
merites, & pour mon desir. A Dieu mon
ame.

Cleonice: A Dieu mon espoir.

F I N.



[Faint, illegible text, likely bleed-through from the reverse side of the page. The text is arranged in several paragraphs and appears to be in a historical or legal context.]



ULB Halle


3

007 375 387



VD 17





Inches
Centimetres

Farbkarte #13

B.I.G.

Blue Cyan Green Yellow Red Magenta White 3/Color Black




TABLE AV.

Miroir des
es & pudiques A-
s de Prince Parthe-
& de la Princesse Cleo-
resentées au vif en forme
eaux, & fort recreatifs
parfemez & enchiriz de
ntences & raisons, non
cessaires, que conuena
exprimer ses desseings
en une.

ouche Amoureuse.

Par
AM DE LA FAYE.

A Jene
niere de Jean Beitmañ
L'an 1626.